

**Broj: 06-03-48-11/3/17**  
**Mostar, 03.07.2017. godine**

Na osnovu člana 17., člana 18., člana 19. stav (1) i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“, broj 52/14), člana 200. Zakona o upravnom postupku („Službene novine Federacije BiH“, broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“, broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“, broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“, broj 57/12, 71/14 i 31/16) i člana 18. stav (1) tačka a) i stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“, broj 15/16), postupajući po Zahtjevu za izdavanje dozvole za rad (licence) za skladištenje naftnih derivata osim LPG-a broj 06-03-48/3/17 od 13.01.2017. godine, podnosioca zahtjeva ArcelorMittal Zenica d.o.o., Bulevar Kralja Tvrtka I broj 17, Zenica, Regulatorna komisija za energiju u Federaciji Bosne i Hercegovine – FERK je 03.07.2017. godine na XII redovnoj sjednici donijela sljedeće

### **RJEŠENJE**

1. Odbija se Zahtjev za izdavanje dozvole za rad (licence) skladištenje naftnih derivata osim LPG-a podnosioca ArcelorMittal Zenica d.o.o. broj 06-03-48/3/17 od 13.01.2017. godine.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u Službenim novinama Federacije BiH.

### **Obrazloženje**

Dana 13.01.2017. godine FERK je pod brojem 06-03-48/3/17 primio Zahtjev za izdavanje dozvole za rad (licence) za skladištenje naftnih derivata osim LPG-a, a 25.01.2017. godine pod brojem 06-03-48-01/3/17 dopunu zahtjeva. Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 23. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 10.02.2017. godine uputio Obavještenje o nedostacima podnesenog Zahtjeva za izdavanje dozvole za rad (licence) za skladištenje naftnih derivata osim LPG-a pod brojem 06-03-48-02/3/17, te ga istovremeno uputio na odredbe člana 9. stav (3) i stav (6), člana 12. stav (1), člana 19. i člana 23. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Naime članom 9. stav (3) navedenog pravilnika propisano je da popunjen obrazac zahtjeva za izdavanje dozvole za rad (licence) sa potpunom pratećom dokumentacijom treba biti ovjeren i potpisan od podnosioca, odnosno njegovog zakonskog zastupnika ili ovlaštenog punomoćnika, dok je stavom (6) istog člana propisano da se prateća dokumentacija prilaže u originalu ili ovjerenj kopiji, sa tim da ne smije biti starija od 60 dana. Članom 12. stav (1) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisano je da je zahtjev potpun kada su uz zahtjev podneseni svi traženi dokumenti i uplaćena jednokratna naknada za obradu zahtjeva, dok su članom 19. navedenog pravilnika taksativno navedeni potrebni dokumenti koji se obavezno prilažu uz zahtjeve za izdavanje dozvola za rad (licenci) za obavljanje energetske djelatnosti, a članom 23. istog pravilnika propisani i dodatni dokumenti koji se obavezno prilažu uz zahtjev za izdavanje dozvole za rad (licence) za skladištenje naftnih derivata osim LPG-a. FERK je podnosiocu zahtjeva

odredio rok od osam dana radi otklanjanja uočenih nedostataka navedenih u obavještenju, te je upozoren da u slučaju da ne otkloni nedostatke u datom roku FERK će smatrati da zahtjev nije ni podnesen.

Postupajući po navedenom obavještenju, podnosilac zahtjeva je u FERK 22.02.2017. godine dostavio dio tražene dokumentacije primljene u FERK pod brojem 06-03-48-03/3/17 i 09.03.2017. godine pod brojem 06-03-48-04/3/17. FERK je u cilju upotpunjavanja zahtjeva 28.03.2017. godine pod brojem 06-03-48-05/3/17 podnosiocu uputio Zahtjev za informacijama. Navedenim zahtjevom podnosilac je upućen da zahtjev treba dopuniti sa dokazima propisanim članovima 19. i 23. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Ovim zahtjevom podnosiocu je u skladu sa članom 13. Pravilnika o javnim raspravama i rješavanju zahtjeva, sporova i žalbi ostavljen rok od osam dana od prijema navedenog zahtjeva za informacijama da u FERK dostavi traženu dokumentaciju i obrazloženja. Postupajući po navedenom Zahtjevu za informacijama, podnosilac zahtjeva je 03.04.2017. godine dostavio dopis primljen u FERK pod brojem 06-03-48-06/3/17 uz koji je dostavio dio tražene dokumentacije i tražio određena obrazloženja odnosno uputstva od FERK-a.

FERK je u cilju upotpunjavanja zahtjeva, podnosiocu zahtjeva 13.04.2017. godine pod brojem 06-03-48-07/3/17 uputio novi Zahtjev za informacijama kojim je podnosilac upućen da zahtjev treba dopuniti sa dokazima propisanim članovima 19. i 23. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Istovremeno, ovim zahtjevom FERK je detaljno uputio podnosioca vezano za odredbe Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede i to člana 19. tačka c), člana 23. tačka g), člana 23. tačka h) i člana 23. tačka i), a za koje je podnosilac tražio obrazloženje. Postupajući po ovom Zahtjevu za informacijama, podnosilac zahtjeva je 04.05.2017. godine dostavio dopis primljen u FERK pod brojem 06-03-48-08/3/17 u kojem moli FERK za duži rok za postupanje po zahtjevu.

FERK je 06.06.2017. godine pod brojem 06-03-48-09/3/17 ponovio svoj Zahtjev za informacijama, te je, imajući u vidu protek vremena od dana primanja dopisa podnosioca zahtjeva odnosno od 04.05.2017. godine kojim je podnosilac tražio duži rok za postupanje po zahtjevu, tražio od podnosioca izjašnjenje ostaje li još kod svog Zahtjeva za izdavanje dozvole za rad (licence) za skladištenje naftnih derivata osim LPG-a broj 06-03-48/3/17, te ga obavijestio da je, ukoliko ostaje kod zahtjeva, isti potrebno dopuniti u skladu sa odredbama Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede kako slijedi: obavještenje o razvrstavanju pravnog lica prema djelatnosti nadležne službe za statistiku iz člana 19. tačka c) odnosno Obavještenje o razvrstavanju dijela pravnog lica prema klasifikaciji djelatnosti koja obavlja djelatnost skladištenja naftnih derivata izuzev LPG-a; dokaz o uplati jednokratne naknade za obradu zahtjeva iz člana 19. tačka m); okolinsku dozvolu (sa klauzulom pravosnažnosti), gdje je propisano iz člana 23. tačka d); odobrenje za upotrebu objekata i postrojenja (sa klauzulom pravosnažnosti) iz člana 23. tačka e); uvjerenja nadležnih organa o ispunjenju tehničkih i drugih uslova koje trebaju ispunjavati skladišta tekućih naftnih goriva-terminala iz člana 23. tačka g); dokaz o izvršenom periodičnom pregledu skladišta naftnih derivata obavljenih od ovlaštene institucije (elektroinstalacija, protupožarna instalacija, strojevi i uređaji, mjerači protoka tekućih goriva, vage i dr.) iz člana 23. tačka h); dokaz o obujmu skladišta (tablice obujma rezervoara) izdane od ovlaštene institucije iz člana 23. tačka i).

Postupajući po ovom Zahtjevu za informacijama, podnosilac zahtjeva je 16.06.2017. godine dostavio dopis primljen u FERK pod brojem 06-03-48-10/3/17 uz koji je, od traženih dokaza, dostavio samo dokaz iz člana 19. tačka c) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, odnosno Obavještenje o razvrstavanju dijela pravnog lica prema klasifikaciji djelatnosti koja obavlja djelatnost skladištenja naftnih

derivata izuzev LPG-a. Podnosilac zahtjeva nije u određenom roku dostavio dokaz o uplati jednokratne naknade za obradu zahtjeva iz člana 19. tačka m); okolinsku dozvolu (sa klauzulom pravosnažnosti) iz člana 23. tačka d); odobrenje za upotrebu objekata i postrojenja (sa klauzulom pravosnažnosti) iz člana 23. tačka e); uvjerenja nadležnih organa o ispunjenju tehničkih i drugih uslova koje trebaju ispunjavati skladišta tekućih naftnih goriva-terminala iz člana 23. tačka g); dokaz o izvršenom periodičnom pregledu skladišta naftnih derivata obavljenih od ovlaštene institucije (elektroinstalacija, protupožarna instalacija, strojevi i uređaji, mjerači protoka tekućih goriva, vage i dr.) iz člana 23. tačka h); dokaz o obujmu skladišta (tablice obujma rezervoara) izdane od ovlaštene institucije iz člana 23. tačka i).

Obzirom na navedeno, a kako podnosilac Zahtjeva za izdavanje dozvole za rad (licence) za skladištenje naftnih derivata osim LPG-a broj 06-03-48/3/17 od 13.01.2017. godine nije dokazao ispunjenje kriterija propisanih članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftnog gospodarstva, u skladu sa članom 200. Zakona o upravnom postupku i članom 18. stav (1) tačka a) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede odlučeno je kao u dispozitivu ovog rješenja.

Navedeno ne sprečava podnosioca da podnese novi zahtjev za izdavanje dozvole za rad (licence) za skladištenje naftnih derivata osim LPG-a kada bude u mogućnosti dostaviti dokaze da ispunjava kriterije iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Mile Srdanović s.r.**